

靈魂的窗仔門

A : 緊!緊!緊!著啊!著啊!(手提手機仔咧擲)

B : 喂!妳佇要啥貨!

A:拍怪啦!

B :拍啥物怪!時間到矣，緊來共觀眾問好。

A :秦無閒。

B :祝輕鬆。

A&B 上台行禮。

A :是講奇怪!我的錶仔時間都猶未到。

B :我看覓咧!妳喔「大目新娘無看灶」，時間明明都到矣!看妳是「目
睺花花，飽仔看做菜瓜」。

A :唉!最近真衰，歹代誌攞發生佇我身軀。

B :妳哪會未講就大心氣，到底是發生啥物代誌?

A :啊嘍! 啊嘍!

B :緊講來鼻芳，莫閣賣膏藥啦。

A :阮母仔昨暗請我吃「竹仔枝，炒肉絲」。

B :真正是苦憐代，請妳來講予我知。

A:阿---阿考試考甲三字塗黏做伙---塗塗塗。

B :前到今，妳攞考比我較好，敢講關老爺騎馬，亦會跋落馬鞍。

A :是講我那會遐爾仔無細膩，欲叫啥來共我醫?

B :妳真正是「目睺皮無漿汨」，另工叫恁母仔去買一支嗽鏡。

A :妳閣共我恥笑?無采咱兩人死忠兼換帖。

B :看妳規工閒就佇 LINE LINE LINE，莫怪妳目睺會愈來愈耷?。

A :這就是時代進步的產品，有啥物要緊。

B :目睺是靈魂的窗仔門，正港是世界上高級的鏡頭，請妳著愛好好仔
保惜，欲用就有，免共人借。

A :安啦!安啦!四界看去毋管車頂、餐廳，逐家嘛頭犁犁咧拍拚。

B：咱人攞是「耳仔生兩葉，家己看袂著」。

A：抑使講，阿今是啥物意思？

B：是講咱人看袂著家己的缺點。

A：耍手機仔閣有啥物缺點？

B：若毋知影通寶惜兩粒明珠，「菜頭毋豉是豉目睷」，隨時就會致著文明病—焦目症。

A：啥物是焦目症？

B：彼目睷操傷過頭，目睷碗內拷旱欠水，若像焦塗必煇叫袂爽快，常在澀閣刺鑿。

A：妳真正是未扑先知。

B：妳喔！手機仔、電腦一直繩，免佢久就癢癢、鑿鑿兼疼疼，時到毋通叫阿娘。

A：妳真正是我腹肚底的蛔蟲，敢講我有呀！

B：hänn---有才爾嚴重喔！阿當時有身，慘矣！妳猶未嫁呢？

A：毋是啦！是有致著妳講的症頭，莫怪彼工好路毋行，煞踏落去水窟仔，予我心內真驚惶。

B：妳的目睷借看覓咧，害啊！害啊！白仁頂懸紅綵結甲滿滿是。

A：這是閣按怎。

B：這就是症頭的起因，毋通三不五時就拚暝工來致使頭殼眩。

A：最近常在目睷微微，看甲五花十色又閣褙袂開。

B：妳講了無毋著！「規樣好好---無剉」。

A：今緊來予醫生看，是猶閣愛按怎？

B：手機仔、電腦毋通繩傷久，愛捷歇睏。

A：這欲哪有可能，個若我的第二性命。

B：毋通「目睷看佇棵，跣踏著火」，時到叫苦就無人辦。

A：遮也無棵，嘛無火，莫閣共我談。

B：彼「細空毋補，大空就叫苦」，時到就揣醫生來食補。

A：我想著好辦法，寄鬧鐘仔來提醒，才袂拍傷久。

B：看妳食甲肥肥，激予槌槌，頭腦閣精光，人無懣。

A：到今妳甲知，我嘛真厲害。

B：共妳褒兩句仔爾爾，妳就獅尾翹上天，歡喜甲無底比。

A：莫看貓無點，小卒仔有時也會變英雄。

B：想袂到妳遮爾綴會著時代，真正是「烏斫仔貯豆油一無底看」。

A：這網路保護目睷的方法是真濟！（提出電腦咧抑）看電腦毋通傷近，愛保持距離。

B：這電腦資訊進步，免人講妳著知，莫怪人人愛。

A：閣有一个撇步報妳知，目睷倒片正片愛轉楚運動，予目睷愈來愈精光。

B：佇遮苦勸咱的好朋友，目睷是靈魂之窗，顧予好咱人才會輕鬆。

A&B 秦無閒、祝輕鬆落台行禮